

世界書局印行



景范堂

四庫全書卷要

第一集
第一三冊
分類

世界書局印行

景印
摘藻堂

四庫全書薈要

集第一
別集三
類冊部

本冊目次

書名及撰人	卷次	頁次
集千家註杜工部詩集二十卷文集二卷 唐杜甫撰 編		
註人名氏無考		
詩集	卷一至卷二十	三六〇—一
文集	卷一至卷二	三六〇—三八九
次山集十二卷 唐元結撰	卷一至卷十二	三六〇—四二五
權文公集十卷 唐權德輿撰	卷一至卷十	三六〇—五一〇

欽定四庫全書薈要

集部

集千家註杜工部詩集卷一

臣王杰詳校
詳校官助教臣常循

御製讀杜子美集

太羹有至味黃鍾具元音之子誠忠愛遺編足探尋憂
懷匡社稷逸志託山林諷讀消長夏悠然獲我心

乾隆辛酉季夏

讀杜詩率題

詩稱杜聖李謫仙吾於甫也無間然韓愈論文要氣勝
不合而同甫有焉貫穿今古氣豪邁元輕白俗誠知言
吾昔少年時亦曾窺其藩今也時復披卷讀乃知學步
非且難乃知學步非且難惟以棄日適幾閒況乎治亂
興衰具詩史豈可與批風弄月以為詩者同日而與同
時觀

乾隆丁卯季春

讀杜詩

我讀杜詩亦已屢每一開編興會殊與造物遊不知窮
柳州所言謂是乎衙官屈宋徒自詡律驚神鬼誠無如
尋章摘句祇陋耳抹月批風猶故吾

欽定四庫全書

御製詩 集千家註杜工部集

杜詩

杜詩於我有何緣每一見之不忍捨寒為衰日可宜冬
暑作雄風足消夏於唐拔爾軼盧駱在漢綽然嬌班馬
清詞麗句空古今一一皆從性中寫嗚呼今而有其人
磬折吾當拜風下
乾隆丁卯季秋

右四首謹依
御製詩初集恭錄

欽定四庫全書

集千家註杜工部集
御製詩

二

欽定四庫全書叢要

集千家註杜工部集

提要

臣等謹案集千家註杜工部集二十二卷不
著編輯人名氏前載王洙王安石胡宗愈蔡
夢弼四序所採不滿百家而題曰千家蓋自
誇撫拾之富如魏仲舉韓柳集註亦虛稱五
百家也其句下篇末諸評悉劉辰翁之語朱
彞尊謂夢弼所編入然夢弼所撰本名草堂
詩箋其有序內標識注例甚詳與此本不合
宋肇謂杜詩評點自劉辰翁始劉本無註元
大德間有高楚芳者刪存諸註以劉評附之
此本疑即楚芳所編也辰翁評所見至淺其
標舉尖新字句殆於竟陵之先聲王士禛乃
比之郭象註莊蓋未為篤論至編中所集諸
家之註真履錯繆亦多為後來所抨彈然宋

欽定四庫全書

集千家註杜工部集
提要

二

以來註杜詩者已鮮有專本傳世遺文緒論
頗賴此書以存其草路籃縷之功亦未可盡
廢也乾隆四十三年二月恭校上

總纂官臣紀昀臣陸錫熊臣孫森

總校官臣陸費墀

集千家註杜工部集原序

叙曰杜甫字子美襄陽人徙河南鞏縣曾祖依藝鞏令
祖審言膳部員外郎父閑奉天令甫少不羈天寶中獻
三賦召試文章授河西尉辭不行改右衛率府胄曹天
寶末以家避亂郾獨轉陷賊中至德二載竄歸鳳翔謁
肅宗授左拾遺詔許至郾迎家明年收京扈從還長安
房琯罷相甫上疏論琯有才不宜廢免肅宗怒貶琯邠
州刺史出甫為華州司功屬關輔饑亂棄官之秦州又

居成都同谷自負薪採椶舖糒不給遂入蜀卜居成都
浣花里復適東川久之召補京兆府功曹以道阻不赴
欲如荆楚上元二年聞嚴武鎮成都自閬挈家往焉武
歸朝廷甫浮遊左蜀諸郡往來非一武再鎮兩川奏為
節度叅謀檢校工部員外郎賜緋永泰元年夏武卒郭
英乂代武崔旰殺英乂楊子琳栢貞節舉兵攻旰蜀大
亂甫逃至梓州亂定歸成都無所依乃泛江遊嘉戎次
雲安移夔州大厯三年春下峽至荆南又次公安入湖

南沂沁湘流遊衡山寓居耒陽嘗至嶽廟阻暴水旬日

不得食耒陽聶令知之自具舟迎還五年夏一夕醉飽

卒年五十九觀甫詩與唐實錄猶緊見事迹比新書列

傳彼為踳駁傳云名試京兆兵曹而集有官定後戲贈詩注云初受河西尉辭改右衛率府曹曹

傳云適赴河西謁肅宗於彭原而集有喜達行在詩註

云自京窺至鳳翔傳云嚴武卒乃遊東蜀依高適既至

而適卒按適自東川入朝拜散騎常侍乃卒又集有忠

州聞高常侍亡詩傳云扁舟下峽未維舟而江陵亂乃

遊裴衡而集有居江陵乃公安詩至多傳云甫永泰二

年卒而集有大歷五年正月追酬高蜀州寄詩及別題

大歷年者數篇須溪先生云甫詩寂可考而舊史疏畧至此他不可考奈何甫集初六十卷

欽定四庫全書集千家註杜工部集原序

今秘府舊藏通人家所有稱大小集者皆亡逸之餘人

自編摭非當時第叙矣蒐裒中外書凡九十九卷古本

蜀本二十卷集畧十五卷樊晃序小集六卷孫光憲序

二十卷鄭文寶序少陵集二十卷別題小集二卷孫僅

二卷雜編三卷除其重複定取千四百有五篇凡古詩三百九

撰王洙原叔記

序曰予考古之詩尤愛杜甫氏作者其辭所從出一莫

知窮極而病未能學也世所傳已多計尚有遺落思得

其完而觀之每一篇出自然人知非人之所能為而為

之者惟其甫也輒能辨之予之今鄭客有授予古之詩

世所不傳者二百餘篇觀之予知非人之所能為而為

之實甫者其文與意之著也然甫之詩其完見於今者

自予得之世之學者至乎甫而後為詩不能至要之不

知詩焉爾嗚呼詩其難惟有甫哉自洗兵馬下序而次

之以示知甫者且用自發焉皇祐壬辰五月日臨川王

安石序

序曰草堂先生謂子美也草堂子美之故居因其所居

而號之曰草堂先生先生自同谷入蜀遂卜成都浣花

江上萬里橋之西為草堂以居焉唐之史記前後抵梧

先生至成都之年月不可考其後先生寄題草堂云經

營上元始斷手實應年然則先生之來成都殆上元之

初乎嚴武入朝先生送武至巴西遂如梓州蜀亂乃之
閬州將遊荆楚會武再鎮兩川先生乃自閬州挈妻子
歸草堂武辟先生為叅謀武卒蜀又亂先生去之東川
移居夔州遂下荆渚沅湘上衡山卒於耒陽先生以
詩鳴於唐凡出處去就動息勞佚悲懼憂樂忠憤感激
好賢惡惡一見於詩讀之可以知其世學士大夫謂之
詩史其所遊歷好事隨處刻其詩於石及至成都則闕
然先生之故居松竹荒涼畧不可記今丞相呂公鎮成
都復作草堂於先生之舊址繪先生之像於其上宗愈
假符於此乃錄先生之詩刻石置於草堂之壁間先生
雖去此而其詩之意有在於是者亦附其後庶幾好事
者於以考先生去來之迹云元祐庚午資政殿學士中
大夫知成都軍府事胡宗愈序

少陵先生博極羣書馳騁今古周行萬里觀覽謳謠發
為歌詩奮乎國風雅頌不作之後比興相侔哀樂交貫
揄揚敘述妙達乎真機美刺箴規該具乎衆體自唐迄

今餘五百年為詩學之宗師家傳而人誦之故元微之
誌其墓曰詩人以來未有如子美者信斯言矣況我國
家祖宗肇造以來設科取士詞賦之餘繼之以詩詩之
命題主司多取是詩惜乎世本訛舛訓釋紕繆有識恨
焉夢弼因博求唐宋諸本杜詩十門聚而閱之重復叅
校仍用嘉興魯氏編次先生作詩歲月之先後以為定
本每於逐句本文之下先正其字之異同次審其音之
反切方作詩之義以釋之復引經子史傳記以證其用
事之所從出離為若干卷目曰草堂詩箋凡校讎之例
題曰樊者唐潤州外史樊晃小集本也題曰晉者晉開
運二年官書本也曰歐者歐陽永叔本也曰宋者宋子
京本也王者乃介甫也蘇者乃子瞻也陳者乃無已也
黃者乃魯直也刊云一作某字者係王原叔張文潛蔡
君謨晁以道及唐之顧陶本也又如宋次道崔德符鮑
欽止暨太原王禹玉王深父薛夢符薛蒼舒蔡天啓蔡
致遠蔡伯世皆為義說其次如徐居仁謝任伯呂祖謙

高元之暨天水趙子櫟趙次翁杜脩可杜立之師古師
民瞻亦為訓解復參以蜀石碑諸儒之定本各因其實
以條紀之至於舊德碩儒間有一二說者亦兩存之以
俟博識之決擇是集之行俾得之者手披目覽口誦心
惟不勞思索而昭然義見更無纖毫凝滯如親聆少陵
之謦欬而熟觀其眉宇豈不快哉大宋嘉泰天開甲子
正月穀旦建安三峯東塾蔡夢弼傅卿謹識

欽定四庫全書會要卷一萬三千六百七十二集部
集千家註杜工部詩集卷一

遊龍門奉先寺

唐書曰龍門在東都河南縣地志云關塞山一名伊闕而俗名龍門

黃鶴曰唐志河南縣龍門山東抵天津有伊水然
後漢志唐志俱云馮翊有龍門山按馮翊與河中
府為鄰而河中有龍門縣又有龍門山志云即導
河至龍門之地地記云梁山北有龍門並在河中
之境故河中有龍門關龍門倉九域志云河南縣
有龍門鎮又有關塞山云即龍門薛仁貴傳云絳
州龍門人則絳州亦有龍門公自秦赴同谷道經
龍門鎮則秦成間又有龍門當考絳至河中不滿
三百里馮翊至河中不滿百里兩地相接按地理
河南即春秋時屬魏地後魏兼置雍州乃屬秦州

宜此山之跨數郡是詩乃公
開元二十四年後遊東都作

已從招提遊更宿招提境陰磬生靈籙月林散清影天

闕象緯逼雲臥衣裳冷

卧字可虛可實用天闕語渾
若天闕天闕豈不牽強耶欲

覺聞晨鐘令人發深省

師古曰釋書招提菩薩皆古佛
號故寺謂之招提或名伽藍或

名道場其實一也靈籙即風也猶雨曰靈雨蔡夢弼曰
本一作靈籙蔡條西清詩話荆公云天闕當作天闕對
雲卧為親切章述東都記龍門號雙闕以興大
內對峙若天闕焉此龍門詩也用闕字無疑

贈李白

夢弼曰時李白將為梁宋之遊鶴曰詩云
李侯金閨彦亦有梁宋遊當是開元二十

四年下考功第後遊齊趙時作按公壯遊詩云放
蕩齊趙間裘馬頗清狂快意八九年西歸到咸陽

則歸京師在天寶四五載而李白傳云天寶初已到刺中則此詩當在於開元二十四五載作蓋公詩云二年客東都又有梁宋遊殆是初遊齊趙時梁權道編在十二載非

二年客東都所歷厭機巧野人對羶腥蔬食常不飽豈

無青精飯使我顏色好苦乏大藥資山林跡如掃李侯

金閨彥脫身事幽討亦有梁宋遊方期拾瑤草

野人所喜者蔬

食第對羶腥故思青精飯耳使有大藥資隱山林絕人跡豈願見此機巧者乎舊解肩難合此其至淺者王彥輔曰東都洛陽也學林新編云陶隱居登真訣有乾石青精飯飯餽音迅謂食也其法即南嶠草水浸米蒸飯暴乾其色青如蟹珠食之延年此子美所謂青精飯也杜修可曰丹書抱陽山人藥證曰夫大藥者須鍊沙

欽定四庫全書

集千家註杜工部詩集

三

中丞能取鉛底金黃芽為根蒂水火鍊功深王洙曰江文通別賦金閨之諸彥註金閨金馬門也鮑彪曰白雲供奉翰林故云趙次公曰梁謂汴州今之東京宋謂宋州今之南京也山海經始瑤之山帝女死焉化為瑤草江文通別賦云惜瑤草之徒芳師曰瑤草乃珊瑚樹之類仙家用以合丹藥服餌

望嶽

岱宗夫如何齊魯青未了

望嶽而言即齊魯青未了五字雄蓋一世○青未了語好

夫字誰何跌蕩非淺句也齊魯跋涉廣造化鍾神秀陰陽割昏曉盪胸生

曾雲對下句苦○盪胸語不必可解登高意豁自見其趣決皆入歸鳥會當凌絕

頂一覽衆山小鄭昂曰岱宗泰山也今屬兗州升中告代於此是山為五嶽之長故曰岱宗趙

曰陰陽割昏曉如史記言崑崙日月所相避隱為光明也割者分也洙曰張衡南都賦渭水盪其胃鄭曰盪他浪切師曰曾與層通趙曰皆目睫也音牆細切司馬相如賦弓不虛發中必決眦此借用其字

劉九法曹鄭瑕丘石門宴集

鶴曰按唐志瑕丘縣本魯負瑕邑屬兗州

石門屬齊州

秋水清無底蕭然淨客心掾曹乘逸興鞍馬到荒林能

吏逢聯璧華筵直一金晚來橫吹好泓下亦龍吟

無可取○

洙曰漢制以曹官為掾如屋之掾也言其有所負荷晉潘岳夏侯湛美容觀每同行人謂之連璧張詠曰史記註古人以一鎰為一金一鎰三十兩也沈括曰漢書班超傳註胡樂有橫吹之名洙曰馬融長笛賦近世雙笛

欽定四庫全書

集千家註杜工部詩集

三

從羌起羌人裁竹未及已龍鳴水中不見已裁竹吹之聲相似

與李十二白同尋范十隱居

李侯有佳句往往似陰鏗余亦東蒙客憐君如弟兄醉

眠秋共被攜手日同行更想幽期處還尋北郭生入門

高興發下註脚不得終待親見自喻耳侍立小童清落景聞寒杵屯雲

對古城向來吟橘頌誰欲討蓴羹誰恐是惟字不願論簪笏

悠悠滄海情洙曰陳書陰鏗字子堅善五言詩為當時所重趙曰東蒙山在兗州洙曰後漢姜肱

兄弟同被而寢趙曰北郭生指言范十隱居修可曰楚詞有橘頌趙曰晉張翰在齊王同府見秋風起思吳中

批榮尊羹鱸魚
贈遂命駕而歸

題張氏隱居二首

鶴曰按舊唐書李白傳云少與魯中諸生張叔明等隱于徂徠山號為竹溪六逸又子美雜說云魯有張叔卿意叔明叔卿止是一人卿與明有一誤耳不然亦兄弟也是詩題張氏隱居豈其人歟詩中不貪遠害之句與白傳及雜述意頗合

春山無伴獨相求伐木丁丁山更幽澗道餘寒歷冰雪

石門斜日到林丘不貪夜識金銀氣遠害朝看麋鹿遊

乘興杳然迷出處對君疑是泛虛舟鶴曰石門見前註洙曰史天官書敗

軍破國之墟下積金寶上皆有氣今詩意謂不貪故夜識其氣也師曰虛舟喻虛已以遊世洙曰莊子方舟而

欽定四庫全書 集千家註杜工部詩集 卷一 四

濟於河有虛船來觸舟雖有禍心之人不怨人能虛已以遊世其孰能害之

之子時相見邀人晚興留濟潭鱣發發春草鹿呦呦杜

酒偏勞勸張梨不外求前村山路險歸醉每無愁洙曰濟應

作霽杜康善造酒潘岳閒居賦張公大谷之梨

贈李白

秋來相顧尚飄蓬未就丹砂愧葛洪痛飲狂歌空度日

飛揚跋扈為誰雄飛揚跋扈亦謂太白耳正是妙意舊註以為祿山且沒交涉○趙曰晉書

葛洪字稚川聞交趾出丹砂求為勾漏令北史齊高祖謂世子曰侯景專制河南十四年常有飛揚跋扈之志

登兗州城樓

東郡趨庭日南樓縱目初浮雲連海岱平野入青徐俯仰

涵際語何地無之孤嶂秦碑在荒城魯殿餘從來多古意臨眺

獨躊躇洙曰兗州漢之東郡夢弼曰公父閑嘗為兗州司馬公時省視之故云趨庭是時張玠亦客兗

州有分好玠子乃建封也王禹偁曰海岱東海泰山也青徐二州也皆與兗相接洙曰史記始皇東行郡縣上

鄒嶧山刻石頌功德李斯作文唐志兗州魯郡也王文考魯靈光殿賦序魯靈光殿者漢恭王餘所立也遭漢

中微自西京未央建章之殿悉見隳壞而靈光獨存

對雨書懷走邀許主簿

鶴曰兗州任城縣是也

東嶽雲峯起溶溶滿太虛震雷翻幕燕驟雨落河魚座

對賢人酒門聽長者車相邀愧泥濘騎馬到階除洙曰左傳

季札曰夫子之在此也猶燕之巢於幕上魏略魏太祖時酒禁人竊飲之故難言酒以清者為聖人濁者為賢

人漢書陳平家以席為門門外多長者車轍

已上人茅齋

歐陽公曰僧齊己也善吟詩知名於唐

已公茅屋下可以賦新詩枕簟入林僻茶瓜留客遲江

蓮搖白羽天棘蔓青絲空忝許詢輩難酬支遁詞洙曰白羽謂扇也學林新編云天棘蔓青絲蓋天門冬亦名天棘其苗蔓生好纏竹木上葉細如青絲寺院庭檻中多植

之可觀後人改蔓字為夢又釋天棘為柳皆非也趙曰歐陽公善本夢作蔓字夢弼曰博物志抱朴子皆言天門冬一名顛棘蓋顛天聲相近也趙曰晉支遁字道林講維摩經許詢常設問難

房兵曹胡馬

胡馬大宛名鋒稜瘦骨成竹批雙耳峻風入四蹄輕所向無空闊真堪託死生

彷彿老成亦無壯驍騰有如此萬

里可橫行洙曰漢伐大宛獲汗血馬作西極天馬之歌鄭曰宛於爰切批篇述切趙曰相馬經耳欲

銳而小如削筒洙曰顏延年指白馬賦品藝驍騰

畫鷹

欽定四庫全書

集千家註杜工部詩集

六

素練風霜起素練如霜謂未畫時絹色耳註誤蒼鷹畫作殊搜身思狡

兔側目似愁胡以碧眼言之條鏃光堪摘軒楹勢可呼何當

擊凡鳥毛血灑平蕪鄭曰搜荀勇切洙曰搜身猶疎身也隋魏彥深鷹賦立如植木望似

愁胡鄭曰條他刀切編絲繩也鏃徐釗切圓轆轤也黃山谷曰勢可呼謂可呼以獵也

臨邑舍弟書至苦雨黃河泛溢隄防之患簿領所

憂因寄此詩用寬其意鶴曰按唐地理志臨邑縣屬齊州河南道又按五行

志開元二十九年七月伊洛及支川皆溢是秋河南河北二十四郡水

二儀積風雨百谷漏波濤大家數語聞道洪河圻運連

滄海高職司憂悄悄郡國訴嗷嗷舍弟卑棲邑防川領

簿曹尺書前日至版築不時操難假龜鼉力空瞻烏鵲

毛燕南吹畎畝濟上沒蓬蒿螺蚌滿近郭蛟螭乘九臯

徐關深水府碣石小秋毫白屋留孤樹青天失萬艘

有氣無不可寫吾衰同泛梗利涉想蟠桃倚賴天涯釣猶能掣

巨鼇洙曰漢書考城令王渙謂主簿仇覽曰枳棘非鸞鳳所棲趙曰沒冢紀年周穆王東至九江以鼇鼉

為橋梁洙曰淮南子烏鵲填河成橋鶴曰齊地紀云渤海東有碣石徐關亦齊地也洙曰山海經東海度索山有大桃屈盤三千里名曰蟠桃列

子龍伯之國有大人釣而連六鼇

欽定四庫全書

集千家註杜工部詩集

七

冬日有懷李白

寂寞書齋裏終朝獨爾思更尋嘉樹傳不忘角弓詩此

出處別謂他種樹為隱者之計我之不忘如角弓以其詩故也桓褐風霜入還丹日月

遲未因乘興去空有鹿門期洙曰左傳昭公二年晉侯使韓宣子來聘公享之韓

子賦角弓既享宴於季氏有嘉樹焉宣子譽之武子曰宿敗不封殖此樹以無忘角弓遂賦甘棠漢書貢禹桓

褐不完註云桓者謂僅豎所著布長襦也褐毛布也鄭曰桓臣庾切褐胡葛切師曰還丹九轉丹也九遍循環

然後成成就洙曰晉王子猷雪夜乘興訪戴安道後漢龐德公攜妻子登鹿門山因採藥不返

龍門鶴曰龍門在河南此詩云往來時屢改當是天寶初作○天寶初東都作

龍門橫野斷驛樹出城來氣色皇居近金銀佛寺開自公

註山有佛寺金碧照耀最為勝聚往來時屢改川陸日悠哉相閱征途

上生涯盡幾回曾南豐曰皇居謂洛邑也洪覺範曰佛地有金色世界銀色世界

天寶初南曹小司寇舅與我太夫人堂下累土為

山一匱盈尺以代彼朽木承諸焚香瓷甌甚安

矣旁植慈竹蓋茲數峯嶽本嬋娟宛有塵外數致

乃不知興之所至而作是詩龍曰按唐志吏部員外郎二人一人判南

曹為尚書侍郎之貳蓋在選曹之南故謂之南曹今題曰南曹小司寇則小司寇為刑部侍郎而唐

欽定四庫全書

卷一 李詩集

八

未聞以待郎判南曹豈即亦得稱為小司寇耶太夫人乃公之祖母盧氏按年譜天寶三載盧氏卒

一匱功盈尺三峯意出羣望中疑在野幽處欲生雲慈

竹春陰覆香爐曉勢分惟南將獻壽佳氣日氛氲沫曰書為

山九仞功虧一匱匱土籠也師曰陸璣草木疏南方生子母竹今慈竹是也又謂孝竹述異記漢章帝三年子

母竹生白虎殿前時謂之孝竹羣臣作孝竹頌沫曰詩如南山之壽

春日懷李白鶴曰按舊史李白天寶初客遊會稽與吳筠隱於剡中今公詩有江東之

句蓋其時也

白也詩無敵飄然思不羣清新庾開府俊逸鮑參軍渭

北春天樹江東日暮雲何時一樽酒重與細論文鄭曰

字子山在周為車騎將軍開府洙曰鮑照字明遠為宋臨海王參軍遜齋間覽云或問王荆公云編四家詩以

子美為第一太白為第四豈白之才格詞致不逮子美耶公曰白之歌詩豪放飄逸人固莫及然其格止於此

而已不知變也至于子美則悲憤窮泰發斂抑揚疾徐縱橫無施不可故其詩有平淡簡易者有綺麗精確者

有嚴重威武若三軍之帥者有奮迅馳驟若泛駕之馬者有淡泊閑靜若山谷隱士者有風流醞藉若貴介公

子者蓋其詩緒密而思深觀者苟不能臻其間與未易識其妙處夫豈淺近者所能窺哉此子美之所以先掩

前人而後來無繼也元稹以謂兼人所獨專斯言信矣或者又曰評詩者謂子美期白太過反為白所誚公曰

不然子美贈白詩則曰清新庾開府俊逸鮑參軍但比之庾信鮑照而已又曰李侯有佳句往往似陰鏗鏗之

欽定四庫全書

卷一 李詩集

九

詩又在鮑庾下矣李泰伯云渭北子美所居江東白之所在也

李監宅二首

趙曰按靈怪錄李令問開元中為祕書監好美服珍饌以奢聞於天下有

炙醢器驚之屬慘毒取味今詩有異味重之句豈令問乎

尚覺王孫貴豪家意頗濃屏開金孔雀褥隱繡芙蓉且

食雙魚美誰看異味重門闌多喜色女婿近乘龍沫曰

祖皇后竇氏父毅仕周尚武帝姊襄陽公主親曰此女有奇相何可娶與人畫二孔雀屏間請昏者射二矢陰

約中目則許之閱數十皆不合高祖最後射中各一目遂歸於帝師曰隱如隱几之隱黃帝曰異味字見左傳

薛夢符曰楚國先賢傳孫雋李元禮俱娶太尉桓焉之女時人謂桓叔元兩女俱乘龍言得婿如龍也

華館春風起高城烟霧開雜花分戶映嬌燕入簷迴

一見能傾座虛懷只愛才鹽官雖絆驥名是漢庭來

與任城許主簿遊南池

鮑曰任城縣屬兗州

秋水通溝洫城隅集小船晚涼看洗馬森木亂鳴蟬

熟經時雨蒲荒八月天晨朝降白露遙憶舊青氍

獻之夜卧齋中有益入屋獻之語云青氍我家舊物可特置之

過宋員外之問舊莊

公自註員外季弟執金吾見知於代故有下句鶴曰按史

宋之問號州弘農人嘗為考功員外郎之問居雖在號而有莊在首陽之問弟之梯以躡勇聞又按

欽定四庫全書

集千家註杜工部詩集

十

中宗時增置修文館學士擇朝中文學之士之問與杜審言首膺其選故之問有送審言詩云卧病人事絕嗟君萬里行審言死之

宋公舊池館零落首陽阿枉道祇從入吟詩許更迴

問往矣一任作詩過之尊慕前淹留問耆老寂寞向山

河他不知其可厭耳更識將軍樹悲風日暮多

南郡境界薄城東北十里首陽山上有首陽祠趙曰凡枉道而遊者猶任其入况能詩者而不許其過乎公自

負可知也洙曰後漢馮異每所止舍諸將並坐論功異獨屏樹下軍中號曰大樹將軍師曰將軍樹美員外弟

執金吾也

夜宴左氏莊

風林纖月落衣露淨琴張暗水流花逕春星帶草

堂景語檢書燒燭短看劍引杯長詩罷聞吳詠扁舟意

不忘東縱自然結趣蕭散○趙曰本一作說劍鶴曰公未卿貢之前遊吳越下第之後遊齊趙此詩云詩罷聞吳詠扁舟意不忘

謂因吳音而思其地也

鄭駙馬宴洞中

鶴曰按鄭潛曜尚明皇臨晉公主而廣文學士度之姪也史稱

潛曜有孝行又按臨晉公主皇甫淑妃所生公與潛曜有舊天寶四載間嘗為作皇甫淑妃碑詳此

詩在其先後也○天寶四載東都作

欽定四庫全書

集千家註杜工部詩集

十

主家陰洞細烟霧留客夏簟青琅玕春酒杯濃琥珀薄

冰漿碗碧碼碯寒悵疑茅堂過江麓已入風磴靈雲端

自是秦樓壓鄭谷如此秦樓鄭谷亦是創見時間雜佩聲珊珊

鄧切磴道也洙曰秦樓謂秦女弄玉吹簫於樓上鄭谷謂鄭子真耕於谷口也

重題鄭氏東亭

公自註在新安界鶴曰新安縣屬河南府前篇宴洞中是夏作此詩

乃秋作故云重題

華亭入翠微秋日亂清暉崩石欹山樹清漣曳水衣紫

鱗衝岼躍蒼隼護巢歸向晚尋征路殘雲傍馬飛

山未及上曰翠微夢弼曰詩註
水成文曰連水衣也韋鷺鳥也

陪李北海宴歷下亭

公自註時邑人蹇處士等在
鶴曰李北海即邕也按唐史

天寶初邕為汝郡北海二郡太守歷下亭在齊州
以有歷山故名又按邕天寶五載奸賊事發此詩

當作於天
寶四載

東藩駐皂蓋北渚凌清河海右此亭古濟南名士多題

適當
如此雲山已發興玉佩仍當歌修竹不受暑交流空湧

波蘊真愜所遇落日將如何貴賤俱物役從公難重過

夢弼曰青齊皆山東之國故稱東藩北渚即北海郡清
河乃濟河郡北渚與清河蓋相近也洙曰後漢志中二

欽定四庫全書

集千家註法工部詩集

主

千石皆皂蓋朱兩幡夢弼曰曹大家東征賦望河濟之
交流洙曰謝靈運詩表靈物莫賞蘊真誰為傳江淹詩

悠悠蘊
真趣

同李太守登歷下古城員外新亭

新亭結構罷隱見清湖陰跡籍臺觀舊氣溟海岳深

此溟亦為
北海牽帥圓荷想自昔遺堞感至今芳宴此時具哀絲

千古心主稱壽尊客筵秩宴北林不阻蓬華興得兼梁

甫吟
師曰清湖指鵲湖也今齊州縣舍中大池是也按

地理志歷下亭在清湖之北跡籍臺觀舊謂此亭
有圖籍載後齊所築今之芳因其舊跡故新亭也氣溟
海岳深謂此城憑岳帶海海岳之氣溟濛然深邃也鄭

日堞徒協切城上垣也具本一作垣趙曰禮記絲聲衣
洙曰詩賓之初筵左右秩秩蜀志諸葛亮躬耕龍畝好
為梁
甫吟

登歷下古城員外孫新亭亭對鵲湖時李之芳自

尚書郎出齊州製此亭 北海太守李邕

吾宗固神秀體物寫謀長形制開古跡曾冰延樂方

太山雄地理巨壑眇雲莊高興泊煩促永懷清典常

舍弘知四大出入見三光負郭喜粳稻安時歌吉祥

邕詩殆不可曉師曰曾冰延樂方謂此亭夏月陰涼
如積冰然可以延引歡樂之方耳方讀如方術之方

欽定四庫全書

集千家註法工部詩集

主

也洙曰易既有典常又舍弘光大老子域中
有四大此借用言四方廣大無所不見也

暫如臨邑至嵒山湖亭奉懷李員外率爾成興

臨邑縣屬齊州嵒山湖亭豈即李白詩題所謂鵲
湖耶嵒與鵲必有一誤魯曰嵒按玉篇助麥切

野亭逼湖水歇馬高林間鼉吼風奔浪魚跳日映山暫

遊阻詞伯却望懷青關藹藹生雲霧惟應促駕還

外應在青關故
有却望之句

行次昭陵

夢弼曰唐太宗陵在醴泉縣西鵲曰按
天寶五載詔天下通一藝者至京師公

自東都西歸應詔故道經昭
陵也○天寶五載長安作

舊俗疲庸主羣雄問獨夫有典識歸龍鳳質威定虎狼

都天屬尊堯典神功協禹謨風雲隨絕足日月繼高衢

狀他父文物多師古朝廷半老儒直詞寧戮辱賢路不

崎嶇往者災猶降蒼生喘未蘇指揮安率土盪滌撫洪

鑪壯士悲陵邑幽人拜鼎湖玉衣晨自舉鐵馬汗常趨

上句寂寥下句清松柏瞻虛殿塵沙立暝途寂寥開國

日流恨滿山隅洙曰庸主謂隋煬帝羣雄謂李密之流

龍鳳之姿天日之表蘇秦傳秦虎狼之國也今云威定

虎狼都謂先定關中也天屬父子也謂高祖禪位於太

宗也希曰高祖諡神堯又遜位如堯太宗有九功之德

可歌如禹也師曰風雲隨絕足謂李靖之輩從高祖而

起也趙曰魏文帝與孫權書中國雖饒馬其知名絕足

亦時有之歐曰盪滌撫洪鑪謂陶成天下如洪鑪爾洙

曰漢書黃帝鑄鼎於荆山下鼎成而仙去後人名其地

為鼎湖修可曰玉衣貴人死者珍異之衣洙曰宣帝賜

霍光玉衣梓宮耿秉死亦賜玉衣夢弼曰漢武故事高

皇廟中御衣自篋中出舞於殿上冬衣自下在席上平

帝時哀帝廟衣自在匣外

飲中八僊歌

洙曰按唐史李白自知不為親近所

容益驚放不修與賀知章李適之汝

陽王璵崔宗之蘇晉張旭焦遂為酒八仙修可曰

蔡條云此歌重疊用韻古無其體嘗質之叔父元

度云此歌分八篇人人各異雖重

押韻無害亦三百篇分章之意也

知章騎馬似乘船眼花落井水底眠浙人不喜騎馬而

汝陽三斗始朝天道逢麴車口流涎恨不移封向酒泉

左相日興費萬錢飲如長鯨吸百川銜杯樂聖稱避賢

宗之蕭灑美少年舉觴白眼望青天皎如玉樹臨風前

蘇晉長齋綉佛前醉中往往愛逃禪李白一斗詩百篇

長安市上酒家眠天子呼來不上船自稱臣是酒中仙

張旭三杯草聖傳脫帽露頂王公前揮毫落紙如雲烟

焦遂五斗方卓然高談雄辯驚四筵不倫不理各極其平

生醉趣古無此體無

此妙謂為八仙甚稱○八篇近之吾意復如題書人目

一二語集之成歌像其醉中出口而成更見佳趣第難

為拘檢者道耳洙曰賀知章會稽人少為秘書監汝陽

王璵睿宗之孫讓皇帝憲之子師曰唐史拾遺汝陽王

嘗於明皇前醉不能下殿上遣人掖出之璵謝罪曰臣

以三斗壯膽不覺至此地理志酒泉今肅州漢福祿縣

地武帝開之置酒泉郡城下有泉味甘如酒洙曰唐史

李適之雅好賓客飲酒一斗不亂天寶初代牛仙客為

左丞相後為李林甫所中罷政賦詩云避賢初罷相樂

聖且銜杯試問門前客今朝幾箇來晉何曾日食萬錢

容齋三筆云杜子美八仙歌銜杯樂聖稱避賢正用適

之詩語今所行本誤以為世賢絕無意義兼世字是太

宗諱豈敢用哉洙曰侍御史崔宗之謫金陵與白詩酒

唱和嘗月夜乘舟自采石至金陵白衣宮錦袍於舟中

顧瞻笑傲旁若無人毛曾與夏侯玄共坐時人謂之兼

茂倚玉樹修可曰蘇晉珣之子也學浮屠術嘗得胡僧

慧澄綉彌勒佛一本寶之嘗曰是佛好飲米汁正與吾性合吾願事之他佛不愛也彌勒佛即布袋和尚也常於市中飲酒食豬頭時人無識之者定功曰范傳正作白墓碑曰玄宗泛白蓮池召李白作序時已被酒命高將軍扶以登舟或云蜀人謂衣領為船妾也洙曰張旭善草書每大醉呼呶狂走迺下筆或以頭濡墨而書及醒自以為神因呼曰顛後漢張芝好草書章仲將謂之草聖師曰唐史拾遺云焦遂口吃對客不出一言醉後酬酢如注射時目為酒吃

贈特進汝陽王二十韻

唐輔曰按史睿宗長子憲本名成器立為皇太子以

玄宗有討平韋氏之功成器懇讓儲位封為寧王薨諡讓皇帝長子璿封汝陽郡王加特進

特進羣公表天人夙德升霜蹄千里駿風翻九霄鵬服

欽定四庫全書

集千家註杜工部詩集

卷六

禮求毫髮推忠忘寢興聖情常有眷朝退若無憑

言其不藉

貴勢語仙醴來浮蟻奇毛或賜鷹清關塵不雜中使日

相乘晚節嬉遊簡平居孝義稱自多親棣萼誰敢問山

陵山陵指祖宗此十字最有體氣味甚長學業醇儒富辭華哲匠能筆飛

鸞聳立章罷鳳鸞騰語亦健壯精理通談笑忘形向友朋寸

腸堪繾綣一諾豈驕矜已忝歸曹植何知對李膺招要

恩屢至崇重力難勝披霧初歡夕高秋爽氣澄樽疊臨

極浦鳬鴈宿張燈花月窮遊宴炎天避鬱蒸硯寒金井

水簷動玉壺冰瓢飲惟三逕巖栖在百層謬持蠡測海

况挹酒如澠鴻寶寧全祕丹梯庶可陵淮王門有客終

不愧孫登上下不相紹徒押韻見意後來陳黃祖述皆過○沐曰漢官儀曰諸侯功德優盛朝廷所

敬異者賜位特進在三公下特進漢官也兩漢魏晉以加官莊子馬蹄可以踐霜雪又鵬之徙於南溟也搏扶

搖而上九萬里劉孝標論不雜風塵魏志邯鄲淳歎曹植之才謂之天人今云已忝歸曹植公以況已之與汝

陽王也後漢杜密李膺俱坐黨錮而名行相次時人亦稱李杜以前有李固杜喬今云何知對李膺公謙辭也

晉衛瓘奇樂廣曰見此人瑩然若披雲霧而靚青天夢弼曰陳無已本作巖栖異一膝膝神凌切稻畦也洙曰

漢東方朔論曰以管窺天以蠡測海註蠡瓢也來戎反左傳齊侯曰有酒如澠有肉如陵註澠食陵切水名

欽定四庫全書

集千家註杜工部詩集

卷七

出齊國漢書劉向傳淮南有枕中鴻寶苑祕書註云鴻

寶苑祕書並道術篇名藏在枕中不漏世也謝靈運詩

躡步陵丹梯漢淮南王安好古愛士招致賓客有八公

之徒晉書隱逸傳孫登好讀易撫一絃琴嵇康從之遊

將別謂曰先生竟無言乎登曰子才多識寡難乎免於

今之世矣子無求乎康不能用果遭非命乃作幽憤詩

曰昔慙柳下今愧孫登

贈比部蕭郎中十兄

公自註甫從姑之子鶴曰唐比部屬刑部

有美生人傑由來積德門漢朝丞相系梁日帝王孫蘊

藉為郎久魁梧秉哲尊詞華傾後輩風雅諒孤鶩宅相

柴姻戚兒童惠討論見知真自幼謀拙愧諸昆漂蕩雲